

中國佛寺志叢刊

趙樸初



清・釋際禪纂

淨慈寺志
(四)

廣陵書社

勅建淨慈寺志卷二十二

任持際 祥主雲纂輯

雜記二

叢譚

晉葛洪字稚川著抱朴子博聞深洽江左絕倫嘗
至南屏中峰之陽觀嘉木森秀清泉甘冽遂棲
隱煉丹於此有丹井存焉至今稱小蓬萊從祖
元授丹術鄭隱洪師隱悉得其術後應元帝辟
求爲句漏令就取丹砂止羅浮山七年忽欲遠
遊與廣州刺史鄧嶽言別端坐赤日而化輕如

空衣蓋尸解云

呂巖字洞賓既得仙道遇黃龍禪師陞座師云會有竊法者巖出曰雲水道人師云雲盡水乾時如何巖無對師代云黃龍現巖去夜以飛劍脅師師指劍劍植地巖至拔劍不能起師更爲展發巖大悟皈依有自從一見黃龍後始覺當初錯用心之句圓照本禪師坐夏宗鏡堂有道人卉衣至本視之曰黃龍舊話何不舉似道人笑曰錢大安用饒舌御風疾去卉衣者洞賓也錢大者本前身也

潛禪師胸臆狀如北斗清涼記其後有五百羣徒
當爲侯王所重未幾吳越錢王建永明迎居之
師嘗欲從王求金鑄十六阿羅漢未白也王忽
夢十六巨人隨行師明日以請王異而許之師
領徒常五百居永明五年兩見文殊又見普賢
乘象山門鼻枕懺所終時白光晝發塔頂亦時
放光

乾祐三年忠懿王以誕日飯僧寺中眾如雲集有
長耳行修疥而據陳那之座王問永明壽云今
有聖僧降否師目錢王曰長耳卽定光佛應身

也修云彌陀饒舌便化夫

永明集三宗聽法者常二千人壽禪師就便地爲
九眼圍犯金神七煞方有人晨起見七人蓬頭
沐髮湖濱迫問之曰我七煞神也壽師營圍吾
頂旣不敢移別宮違歲君令又不敢缺古佛之
徒日受大小洩沐去穢耳師聞竟不除圍

五代時有造雷峰塔僧誤以所施磚錢買瓦死後
墮西湖作雙頭魚後值慈雲懺主夜渡湖中見
塔懸燈輝映霄漢乃贊曰造塔者定生忉利受
福樂矣時有巨魚躍於舟云謝師指示遂脫去

雷峰塔相傳鎮青魚白蛇之妖父老子弟轉相告也嘉靖時塔煙搏羊角而上便云兩妖吐毒迫視之似聚虻耳或云螺髻放光理或有之

雷峰慧才法師神遊淨土見一殿殊麗人曰以待宗本而汴京曦公禮本施金而去人詰之曰吾定中見大金蓮花題曰永明宗本其他小花不可勝數云待受本化度之人又有婆者云是退墮人也

慧才由四明法智而悟元豐元年三月爲靈芝元照及道俗千人授菩薩戒於雷峰方羯磨觀音

像放光初貫寶燄漸散講堂燈炬日光皆爲映
奪淨慈法眞守一爲作戒光記米芾書辯才淨
勒石

宋如靖賜號普明早入慈辨室杭人有以私憾害
其兄者心悸問一律師答之曰殺人償命何足
爲問其人卽投溺西湖欲償兄命旣而悔之因
隨眾入雷峰受戒聞戒師說人造罪許懺悔其
鬼乃怨律師早知可悔必不投水日夜隨律師
索命語以修薦百方皆辭久而言曰爲我請靖
佛子施大乘戒則可脫及爲受戒法乃現形致

謝而去

二老堂雜志云壬午三日己亥晴與芮國器程泰之蔣子禮出暗門上風篁嶺酌龍井入聖壽寺拜題清獻公蘇翰林僧辯才畫像觀乙亥二月與張德莊周孟覺同遊時題字寺有海棠一株蓋蘇公手植頗有元祐乾道間諸公談論自言得于其師云午飯後過長耳相院泰之讀書處也與國器奕于山亭小酌而去道傍有六通院無足觀遂由支徑叩鄧氏時思菴菴僧導至石屋嵌空可愛進尋水樂洞聲如琴筑音節天成

以路僻人罕知者捨馬上煙霞嶺國器子禮至
中道憚其險予乃與泰之自往至寺亦憊矣少
休秉燭入洞深十二丈上下平闊近城郭不易
得也歸飲淨慈寺雞甚美徵事戲爲聯句數十
韻如日膳雙月攘一之類語甚工

嘉泰四年淨慈燬濟顛自爲疏行化嚴陵以袈裟
籠罩諸山山木自拔而浮江以出報寺眾云木
至江頭矣將集工搬運顛曰無庸已在香積井
中有六丈夫鉤之而出監寺欲酬之辭曰我六
甲神豈受汝酬耶遂呼井爲神運萬厯丁未夏

有數無賴子縋之而下步入數丈忽有廣室螯
壁宛然有物蠕動觸胸臆間驚悸而出或以爲
龍也

瀕湖居民將食螺螄已斷其尾濟顛乞以放之遂
活今西溪安樂山池中尙有無尾螺螄傳爲顛
手放故物也宋梵臻嚴淨毘尼說法淨慈俄而
一婦迎至家忽見有持刀斫此婦如泥者師曰
受前生切膾之報願濟度之乃爲懺摩受戒前
相遂隱

絕照輝公坐夏淨慈東寮壁中有水墨觀音像

師每夜禮之所懇至切忽見淨瓶水從壁湧出
通身歡喜從此智鑑益明

南渡時淨慈燬而復興住持道容塑五百阿羅漢
建田字殿貯之其時塑像出一僧手華梵儀容
俱有生氣像成而僧竟化去洪武二十四年寺
遭回祿無孑遺惟二百三十一位阿湮卑尊者
從烈焰中巋然兀坐不燬而相好精瑩益新蹟
簡菴復建殿成獨設一龕黃羅幕置籤筒側身
偃蹇斜目覷人而笑祈嗣者必詣此炷香以手
摩腹黑光可鑒今龕廢矣

中興以後浙右大刹如徑山淨慈靈隱天竺宮觀
如太一開元佑聖皆降勅劄差主首禪席見愧
郊錄

濟南李茝字定國乾道中寓邑營投徒嘗詣淨慈
過長橋於竹林迷徑見青衣道人剔筍茝揖之
道人問所往曰將往淨慈禮羅漢道人曰未須
去且來同食燒筍食之甚美俄而風雨晦冥失
道人所在卽身貌輕妍不復飲食僕駭之以語
其兄莫莫至則去遊茅山旋入青城矣後莫爲
蜀提刑訪之已乘雲去數年惟存繪像耳

淳熙間後軍副將賀忠歸自吳至蔣灣柏林迷路
見大第繫馬數匹問閭者此誰之居曰呂使君
宅又問馬欲賣乎曰正訪主於是微賂之使入
報良久娘子出見年將四十澹妝素裳脩脩然
有林下風致延坐瀹茗扣所欲以馬對笑曰細
事也俄而置酒張筵歌舞既罷將就寢賀固辭
娘子歎曰吾嫠居無子今夕邂逅豈非天平遂
畱館凡三宿始別贐以五花驄及白金百兩又
云家姊在淨慈西住倩寄一書握手脊脊而退
賀還持書至淨慈西松徑中果得其姊相見如

嫗親亦問與亂金珠幣帛相載以歸自是每三
兩日一往驩洽經年載賀妻亡家窀之費皆出
呂氏姊妹踰三年賀亦亡又明年寒食賀子上
父塚因訪姊家於寺之西宅舍俱不知所在惟
松林內有兩古墳賀子悲異瞻敬而去

江山寺有緇童眉長尺餘來淨慈寺都人爭出視
之喧傳禁中詔給僧牒寺僧日坐山門護以行
馬士女填沓炷香施資謂之活羅漢

宋李秉紹興中領御藥院初學禪淨慈輝有省晚
閱龍舒淨土文日課佛號與其口閣長元美殿

長林師文等數十人結淨會久之感疾忽見阿彌陀佛以金圓光戴其首越七日又見金花滿房乃別眾書偈端坐結印而逝

宋方家峪梯雲嶺有守龍山軍數人築茶園見一白蛇大如拱競鋤擊之內余姓勸不殺眾不從來旦有白衣女子攜一籃下嶺眾往奪之余亦不隨其籃內盛一顆葦光嫩玉色女戟手曰清平時有盜垂淚而去軍人歸烹之將食余忽頭痛乃睡夢女子云此葦有毒君不害我請莫食之驚覺眾已食訖皆嘔血死惟余存焉